

聽秋聲館詞話

聽秋聲館詞話卷七

無錫丁紹儀杏舫

詞有因人而重如杜祁公之滿江紅韓蘄王之南鄉子
其天真流露處足與經濟事功相映發不當以工拙計
故臯薌宗伯詞綜補遺亟登之顧搜采尙有未及如李
衛公德裕之步虛詞楊文公億之少年遊曾文定鞏之
賞南枝蔡忠惠襄之好事近蘇文定轍之漁家傲謝文
節枋得之沁園春卽以詞論亦工於杜韓李詞云仙女
下董雙成漢殿夜涼吹玉笙曲終卻從仙官去萬戶千
門惟月明楊詞云江南節物水昏雲淡飛雪滿前村千

尋翠嶺。一枝芳豔。迢遞寄歸人。○壽陽妝罷。永姿玉態。

的的寫天真。等閑風雨又紛紛。更忍向、笛中聞。此調詞律失收

又一體。曾詞云暮冬天氣閉。正柔條凍折。瑞雪飄飛。對景

見南山。嶺梅露幾點。清雅容姿。丹染萼。玉綴枝。又豈是

一陽有私。大抵化工獨許。使占卻先時。○霜威莫苦淩

持。此花根性。想群卉爭知。貴用在和羹。三春裏。不管綠

是紅非。攀賞處。宜酒卮。醉撚嗅。幽香更奇。倚闌仗何人

去。囑羌管休吹。此調詞律失收蔡詞云瑞雪滿京都。宮殿盡成

銀闕。常對素光遙望。是江梅時節。○如今江上見寒梅。

幽香自清絕。重看落英殘豔。想飄零如雪。蘇詞云七十

餘年眞一夢。朝來壽筭兒孫捧。憂患已空無復痛。心不
動。此生自有千鈞重。○早歲文章供世用。中年禪味疑
天縱。石塔成時無一縫。誰與共。人間天上隨他送。謝詞
寒食鄆州道中云十五年來逢食寒節都在天涯。歎雨
濡露潤。還思宰木。風柔日媚。羞看飛花。麥飯紙錢。隻雞
斗酒。幾誤林間噪晚鴉。天笑道。此不由乎我。亦不由他。
○鼎中煉熟丹砂。把紫府清都作一家。想前人鶴馭常
遊絳闕。浮生蟬蛻。豈戀黃沙。帝命守墳。王令修墓。男子
正當如是耶。又何必待過家上塚。畫錦榮華。按衛公步
虛詞。詞絲作桂殿秋。列青蓮名下。然第三句與桂殿秋

平仄不同似作步虛詞爲是各詞或見本集或見梅苑
或見花草粹編往昔錄存漏註書名而書又借讀居多
今已模糊約略不能追憶故不復逐一詳註自慚荒陋
閱者無譏焉

自四庫館開宋金元詞散見永樂大典中者次第集出
天下遺書亦漸流布故多竹垞太史所未見乃補遺一
書成於道光間亦多未錄如曹勛松隱集聲聲令云梅
風吹粉柳影搖金漸看春意入芳林波明草嫩據征鞍
晚煙沉向野館愁緒怎禁○過了燒燈醉別院阻同尋
瑣窗還是冷瑤琴燈花謝也擁春寒掩閒衾念翠屏應

倚夜深。解蹀躞。云雨過池臺。秋靜。桂影涼。清晝。槁梧喧
砌。疎黃滿堤柳。風外殘葉枯荷。凭闌一晌。猶喜冷香盈
袖。○少歡偶。人道消愁須酒。酒又怕醒後。這般光景。愁
懷煞難受。誰念千種秋情。乍涼雖好。還恨夜長時候。松
梢月。云院靜。無聲。正天邊皓月初上重城。群木搖落。松
路徑暖風輕。喜浥蟾華當松頂。照謝閣。細影縱橫。杖策
徐步。空明裏。但襟袖皆清。○恍如臨異境。漾鳳池岸瀾。
波淨。魚驚。氣入層漢。疑有素鶴飛鳴。夜色徘徊遲宮漏。
漸坐久。露溼金莖。未忍歸去。聞何處。更吹笙。此調中多
拗句詞律
失王質雪山集虞美人云翠陰融盡麤麤雪慘淡花明

滅嫩沙拂拂漲痕添。想見故溪綠到草堂前。○夕陽紅
透櫻桃粒。掩映深沉碧。成都事事似江南。只是香衾兩
處耐春寒。種荷無月不登樓。云池塘生春草。夢中共水
仙相識。細撥冰綃。低沉玉骨。攪動一池寒碧。吹盡楊花。
糝羶消白。卻有青錢點點凝積。漸翠蓋亭亭如立。○漢
女江妃入奩室。待看靚妝徐出。夜月明前夕陽敲後。清
妙世間標格。中貯瓊瑤汁。纔擘破。露飛霜泣。何益未轉
眼。度秋風。成陳跡。此調諒係自度詞譜詞律均未收中秋飲南樓呈范
宣撫。水調歌頭云。細數十年夢。十處過中秋。今年清夢
還在。黃鶴舊樓頭。老子興殊不淺。此會天教重見。今古

一南樓。星漢淡無色。玉鏡倚空浮。○帶秦煙。縈楚霧。熨
江流。關河離台南北。依舊照人愁。想見姮娥冷笑。笑我
歸來霜鬢空。做黑貂裘。把酒問清影。肯去伴滄洲。呂勝
己渭川集。長相思云。展顰蛾。抹流波。並插玲瓏碧玉梭。
鬆分兩髻螺。○曉霜和。凍輕呵。拍罷陽春白雪歌。偎人
春意多。謁金門云。嗟久客。又見他鄉寒食。流水斷橋春
寂寂。孤村煙火息。○白去紅飛無跡。千樹總成新碧。醉
裏傷春愁似織。東風欺酒力。木蘭花慢云。殘紅吹盡了。
換新綠。染疎林。正杜宇催歸。行人貪路。天氣輕陰。江亭。
舊游宴處。但遙山。萬疊晚雲深。猶憶佳人。斂黛爲予別。

淚盈襟。○而今。旅況苦難禁。逢勝嬾登臨。念景好難忘。
情多易感。取次關心。平明又西去也。望關山。古道馬駸。
駸。回首當年一夢。笑將濁酒重斟。王寂拙軒集點絳脣。
云疎雨池塘。一番雨過。香成陣。海榴紅褪。燕語低相問。
○冰簟紗幮。玉骨涼生潤。沉煙噴。日長人困。枕印斜紅。
暈。採桑子云。西風吹散揚州夢。冷落行雲。心事休論。蘸
甲從他酒百分。○冷煙衰草長亭路。銷盡離魂。愁對芳
尊。剛道啼痕是酒痕。減字木蘭花云。羽書催去。落絮飛
花。縈不住。湖上流鶯。欲別頻啼三兩聲。○虛廊月轉。一
曲未終。腸已斷。百斛明珠。買得尊前一醉無。紅袖扶云。

風拂冰簷。鎮犀動、翠簾珠箔。祕壺暖、宮黃破萼。寶熏閑卻。玻璃甕頭漉雪。擘新橙、秀色浮杯杓。雙蛾小、驪珠一串。梁塵驚落。○俗事何時了。便可束置之高閣。笑半載、功名何物。把人拘縛。青春等閑背我。趁良時、莫惜追行樂。玉山倒、從教喚起。紅袖扶著。此調諒係自度詞譜詞律均未收 勛字

公顯陽翟人。宣和中。官閣門宣贊舍人。質字景文。其先鄆州人。後徙興國。乾道中。官樞密院編修。勝己字季克邵。武人。淳熙中。知沅州。罷歸。寂字元老。玉田人。金天德中。進士。歷官中都路轉運使。諡文肅。

余於列朝詞綜。向有續補之願。恐見聞淺陋。徒滋訕笑。

力亦不逮以故因循未果今就所見筆之於此吳師益
蠟梅香云錦里陽和看萬木彫時早梅獨秀珍館瓊樓
畔正絳跗初吐穠華將茂國豔天葩真淡冶雪肌清瘦
似廣寒宮鉛華未御自然妝就○凝睇倚朱闌噴清香
階度易襲襟袖好與春爲主宜秉燭頻觀泛湘酎莫待
南枝隨樂府新聲吹後對賞心人良辰好景須信難偶
蒲宗孟望梅花云一陽初起暖律未勝寒氣堪賞素華
長獨秀不並開紅抽紫青帝只應憐潔白肯使雷同衆
卉○淡然難比粉蝶豈知芳蕊半夜捲簾如乍失只在
銀蟾影裏殘雪枝頭君認取自有清香旖旎

此二調詞
律均失收

邵叔齊連理枝云澹泊疎籬隔。寂寞官橋側。綠萼青枝。
風塵外，別是一般姿質。念天涯憔悴各飄零。記初曾相
識。○雪裏清寒逼。月下幽香襲。不似薄情，無憑準，一去
音書難得。看年年時候不逾期。報陽和消息。許仲元解
珮令云蕙蘭無韻。桃李堪掃。都不數。凡花閑草。對月臨
風。長是伊故來相惱。和魂夢。披他香到。○江頭隴畔。爭
先占早。一枝枝。看來總好。似恁風標。待發願。春前頻禱。
祝東君。放教不老。王益柔喜長新云愁雲朔吹晚徘徊。
雪照樓臺。梁王宴召有鄒枚。相如獨逞英才。○明燭熏
鑪香暖。深勸金杯。庭前粉豔有寒梅。一枝昨夜先開。此調

詞律失收李嬰上東坡滿江紅云荆楚風煙寂寞近中秋時

候露下冷蘭英將謝葦花初秀歸燕殷勤辭巷陌鳴蛩

悽惻來窗牖又誰知江畔有神仙飄零久○橫琴膝攜

筇手曠望眼閑吟口任紛紛萬事到頭何有君不見淩

煙冠劍客何人氣貌常如舊歸去來一曲爲君吟爲君

壽此調多一字詞律失收又一體黃師參饒鄭金部去國沁園春云谷

口高人偶訴明河近尺五天見紫霄宮闕空中突兀玉

皇姬侍雲裏翩躚滴露研朱披肝作紙細寫靈均孤憤

篇排雲叫奈大鈞不管沙界三千○語高天上驚傳早

斥去人間伴謫仙念赤城丹籍香名空在蓬萊弱水欲

到無緣。還倚枯槎。飄然歸去。回首清都若箇邊。家山好。
有一灣風月。小小漁船。連久道。贈漁父清平樂云。陣鵲
驚處。一網沉江渚。落葉亂風和細雨。撥棹不如歸去。○
蘆花輕泛微瀾。篷窗獨自清閒。一覺遊仙好夢。任他竹

冷松寒。

此詞一作洪孫空同作

施乘之。元夕清平樂云。風消雲縷。

一碧無今古。欲壞元宵天不許。晴了晚來微雨。○莫言
冷落山家。山翁本厭繁華。試問蓮燈千炬。何如月上梅
花。元絳牡丹映山紅。慢云。穀雨風前。占淑景。名花獨秀。
露國色仙姿。品流第一。春工成就。羅幃護日。金泥皴映。
霞腮動。檀痕溜。長記得天上瑤池閨苑曾有。○千匝繞。

紅玉闌干愁只恐。朝雲難久。須欸折。繡囊賸帶細把蜂
鬚頻嗅。佳人再拜擡嬌面。斂紅巾。捧金杯酒。獻千千壽。
願長恁。天香滿袖。吳莢昇平樂。云水閣層臺。竹亭深院。
依稀萬木籠陰。飛暑無涯。行雲有勢。晚來細雨新晴。庭
槐轉影。近紗幮。兩兩蟬鳴。幽夢斷。把金猊常爇。蘭炷微
熏。○堪命俊才儔侶。對華筵坐列。朱履紅裙。檀板輕敲。
金尊滿泛。從教畏日西沉。銀絲玉管。間歌喉。時奏清音。
唐虞世。儘陶陶沉醉。且樂昇平。江致和五福降中天云。
喜元宵三五。縱馬御柳溝東。斜日映珠簾。瞥見芳容。秋
水嬌橫俊眼。膩雪輕鋪素胸。愛把菱花笑。勻粉面。露春

蕊。○徘徊步嬾。奈一點靈犀未通。悵望七香車去。慢展

春風。雲情雨態。願暫入陽臺夢中。路隔煙霞。甚時還許

到蓬宮。

此調與齊天樂別名五福降中天不同

郭子正咏菊舜韶新云香

滿西風。催歲晚東籬。黃花爭吐。嫩英細蕊。金豔繁妝點

高秋偏富。寒地花媒少。算自結多情煙雨。每年年妝面

謝他拒霜相顧。○寶馬王孫。休笑孤芳。陶令因誰。便思

歸去。負春何事。此恨惟才子登高能賦。千古風流在。占

定泛重陽芳醕。儘吟看醉賞。何須杏園深處。劉濬贈杖

鼓妓楊素娥期夜月云金鈎花綬繫雙月。腰肢軟低折。

揎皓腕。縈繡結。輕盈宛轉。妙若鳳鸞飛越。無別香檀急

扣轉清切。翻妙手飄瞥。催畫鼓。追脆管。鏘洋雅奏。尙與
衆音爲節。○當時妙選舞袖。慧性雅質。各種殊絕。滿座
傾心注目。不甚窺回雪。纖怯。逡巡一曲霓裳徹。透鮫綃
汗溼。教人與。傅香粉。媚容秀發。宛降蕊珠宮闕。以上五
均失
收。楊適題文亭館長相思。云南山明。北山明。中有長
亭號文亭。沙邊供送迎。○東江清。西江清。海上潮來兩
岸平。行人分棹行。徐介軒海棠減字木蘭花云。一簾雨
膩。道是無情。還有思。坐久魂銷。風動朱脣。點點嬌。○生
平自喜。靜樂機關。隨處是。熏透寒衾。蝴蝶休縈。萬里心。
周銖驀山溪云。松陵江上。極目煙波渺。天際接滄溟。到

如今東流未了。吳檣越櫓，都是利名人空擾擾。知多少。
只見朱顏老。○故園應是綠徧池塘草。家住十洲西，算
隨分生涯自好。漁蓑清貴，休羨謝三郎。紅蕖月，白蘋風，
何似長安道。哀長吉集詞調名賀人新娶水調歌頭云
紫陌風光好，繡閣綺羅香。相將人月圓夜，早慶賀新郎。
先自少年心意，爲惜滯人嬌態，久俟願成雙。此夕于飛
樂，共學燕歸梁。○索酒子，迎仙客，醉紅妝。訴衷情處，些
兒好語意難忘。但願千秋歲裏，結取百年歡會，恩愛應
天長。更喜長春宅，蘭玉滿庭芳。胡明仲過子陵釣臺水
調歌頭云不見嚴夫子，寂寞富春山。空留千丈危石，高

出暮雲端。想像羊裘披了。一笑兩忘身世。來把釣魚竿。

肯似林間翮。飛倦始知還。○中興主。功業就。鬢毛斑。馳

驅一世人物。相與濟時艱。獨悉狂奴心事。未羨癡兒鼎

足。放去任疎頑。爽氣動星斗。終古照林巒。此詞或云湯朱文公作

正仲咏梅柳梢。青云玉骨永肌。爲誰偏好。特地相宜。一

段風流。廣平休賦。和靖無詩。○綺窗睡起春遲。困無力。

菱花笑窺。麝蕊吹香。眉心貼處。鬢畔簪時。此詞一作朱淑真作陽春

白雪係列楊舜舉。錢塘有感浣溪紗云。殘照西風一片

愁。疎楊畫出六橋秋。遊人不上十三樓。○有淚金仙還

泣漢。無心玉馬已朝周。平湖寂寂水空流。樓鑰七月上

浣游裴園醉翁操云垂楊千章。剛剛繞迴塘。波光新秋
露荷時吹香。翛然心地清涼。聽悠揚。夾岸搖修篁。驚起
白鷺飛來雙。○隱君如在。鶴與翱翔。隱君何處。尙有流
風未忘。琴與奏兮宮商。酒與共兮杯觴。清歡殊未央。西
山忽斜陽。欲去且徜徉。更將霜鬢臨滄浪。史彌遠題道
隆觀臨江仙云試凭闌干春欲暮。桃花點點胭脂。故山
凝望水雲迷。數堆蒼玉。千頃碧琉璃。○我本清都閑散
客。蓬萊未是幽奇。明朝歸去鶴齊飛。三山縹緲。高舉到
天池。劉處靜海棠燭影搖紅云蜀錦華堂。寶箏頻送花
前酒。媚容全在未開時。人試單衣後。芳意因春競秀。似

紅潮玉腮微透。欲醒還睡。淺醉扶頭。朦朧晴晝。○金屋
名姝含情。感損雙眉。岫世間還有此娉婷。拚盡珠量斗。
眞豔可令消受。倩鶯催。天香共袖。冷煙庭院。淡月梨花。

空教春瘦。

陽春白雪列翁處
靜名下微有不同

張臺卿聲聲慢云霞散長

天。潮平遠浦。危關注目。江皋長記年年。榮遇同是今朝。
金鑿兩回命相。對清光。頻許揮毫。雍容久。正杯茶初賜。
香袖時飄。○歸去玉堂深夜。泥封罷。金蓮一寸。纔燒帝
語。丁甯曾被華袞親褒。如今漫勞夢想。歎塵踪杳隔仙
鰲。無聊意。強當歌對酒。怎消。王平子謁金門云書一紙。
小研吳箋。香細讀到別來心下事。感殘眉上翠。○怕落

旁人眼底。搓向抹胸兒裏。針線不收。收拾起。和衣和悶。
睡。張景臣西江月云。四壁空圍恨玉。十香淺捻啼綃。輕
雲度雨井桐彫。雁雁無書又到。○別後釵分燕尾。病餘
鏡減鸞腰。蠻江荳蔻影連梢。不道參橫易曉。此詞一作張武子作
朱主簿題吳城龍王廟玉樓春云。玉階瓊室永絲帳。恁
地水晶簾不上。兒家住處隔紅塵。雲氣悠揚風淡蕩。○
有時閒把蘭舟放。霧鬢雲鬟垂翠浪。夜深滿載月明歸。
畫破琉璃千萬丈。僧皎高陽臺云。紅入桃腮。青回柳眼。
韶華已破三分。人不歸來。空教草怨王孫。平明幾點催
花雨。夢半闌。敲枕初聞。問東君。因甚將春老卻閒人。○

東郊十里香塵軟。旋安排玉勒。整頓雕輪。趁取芳時去。
尋島上紅雲。朱衣引駕黃金帶。算到頭。總是虛名。莫閑
愁。一半悲秋。一半傷春。

陽春白雪作
王通叟作

馮全真選冠子云

飯了從容。消閒策杖。野望去何憑仗。帆歸遠浦。鷺立汀
洲。千樹好花微放。芳草池塘。錦江樓閣。隱隱雲埋青嶂。
向東郊極目。天涯不見。故人惆悵。○歸去也。翠麓崎嶇。
林巒掩映。消遣晚來情況。幽禽巧語。弱柳搖金。綠影小
橋流響。揮掃龍蛇。領略風光。陶寫丹青吟唱。這雲山好
景。物外煙霞。幾人能訪。以上各詞散見梅苑花庵詞選
花草粹編全芳備祖吹劍錄詞緯詞譜歷代詩餘冷齋

夜話詩詞賸語寶慶四明志等書尙有附見文溪詞之
馬天驕城頭月見全芳備祖之祝和父金縷曲見翰墨
全書之羅子衍三登樂見花草粹編之蕭回應景樂江
衍錦纏道見郿縣石刻之李如堅沁園春詞率牘鄙不
錄按宗孟字正傳元豐中官尙書左丞益柔字勝之慶
厯中官集賢校理李嬰官蘄水令師參字子魯閬清人
嘉定中進士官南劍倅久道字可久漢陽人乘之字楓
溪元絳字厚之錢塘人熙甯中參知政事正仲字叔雅
適字韓道慈溪人銖字初平鄞人官中牟簿舜舉字觀
我金華人鑰字大防隆興中進士官資政殿大學士彌

遠字同叔官右丞相平子吳人僧皎字如晦餘皆無考
長吉字壽之崇安人嘉定中進士官邵武簿閩中多哀
姓古有哀家梨產秣陵閩人謂出今之松溪其後因字
不佳改而爲衷今無復姓哀人矣

春霽一名秋霽與送入我門來二調皆始自胡浩然夷
猶誕漫自成一格他詞亦頗可觀乃詞綜及補遺均未
錄爲附數詞於此秋霽云虹影侵堦乍雨歇長空萬里
凝碧孤鶩高飛落霞相映遠狀水鄉秋色黯然望極動
人無限愁如織又聽得雲外數聲新雁正嘹唳○當此
暗想畫閣輕拋杳然殊無些箇消息漏聲稀銀屏冷落

那堪殘月照窗白。衣帶頓寬猶阻隔。算此情苦。除非宋
玉風流。共懷傷感。有誰知得。萬年歡云。燈月交光。漸輕
風布暖。先到南國。羅綺嬌容。十里絳紗籠燭。花豔驚郎
醉目。有多少。佳人如玉。春衫袂。整整齊齊。內家新樣妝
束。○歡情更闌未足。漫勾牽舊恨。縈亂心曲。悵望歸期。
應是紫姑頻卜。暗想雙眉對顰。斷絃待。鸞膠重續。休迷
繚野草。閑花。鳳簫人在金谷。除夕送入我門來。云荼蘼
安屏。靈爐掛戶。神雛裂竹。轟雷動。念流光。四序式周回。
須知今歲今宵盡。似頓覺。明年明日催。向今夕。是處迎
春送臘。羅綺筵開。○今古偏同此夜。賢愚共添一歲。貴

賤仍偕。互祝遐齡。山海固難摧。石崇富貴錢鏗壽。更潘岳儀容子建才。仗東風盡力。一齊吹送。入此門來。至草堂詩餘誤以晁無咎傳言玉女詞爲浩然作所錄吉席滿庭芳詞鄙穢已甚宜爲竹垞太史指摘

宋理宗時有右班李好義者爲某郡總管戲作望江南云思往事。白盡少年頭。曾帥三軍平蜀難。沿邊四郡一齊收。逆黨反封侯。○元宵夜燈火鬧啾啾。廳上一員閑總管。門前幾箇紙燈毬。簫鼓勝皇州。詞見江湖紀聞功罪不明遂使英雄氣短宋之亡不盡由乎此亦未必不由乎此此與李霜涯湖光激灩晴偏好詞同一諧謔存

之亦足徵當時時政又詞苑錄薛沂叔

派

客中守歲青

玉案云一盤消夜江南菓喫菓看書只清坐罪過梅花料理我一年心事一生牢落盡向今宵過○此身本是山中箇纔出山來計先左手種青松應已大縛茅深處抱琴歸去又是明年那語雖俚俗意致頗佳垂老他鄉讀之淒悵

歷代詩餘末附詞人姓氏十卷中如陸域劉宰章良謨蔡幼學趙蕃梅扶王義山等僅列其名詞均缺如亦有錄其詞而姓氏未列者胡浩然陳沂孫僧仲璋是也沂孫金鳳花水龍吟云堦前砌下新涼嫩姿弱質婆婆小

仙家甚處鳳雛飛下。化成窈窕。綠葉參差。青枝婀娜。似將玉造。自川葵放後。庭萱謝了。是園苑。無花草。○生恐西風來早。逞芳容。紫團緋繞。圓胎結就。小鈴繁綴。開從清曉。牆角低昂。籬頭約略。空增懊惱。向凡閒。謫墮。不知西帝。可關懷抱。陳景沂全芳備祖註爲陳肥遯作肥遯。即景沂之字。仲璋重陽百字令云。消磨九日。算年年。惟有黃花白酒。把酒簪花。能有幾。多少光陰回首。人恨無窮。酒杯有限。花色應如舊。花濃酒醖。問君著甚消受。○彭澤千古高懷。有花堪折。有酒能傾。石萬事悠悠。輪一醉。花酒休教離手。明日西風。闌珊酒盡。憔悴花枝瘦。酒

腸花眼正宜年少時候。二詞詞綜及補遺均遺之。

朱子父韋齋公松尉尤溪時醉宿鄭氏閣蝶戀花云清曉方塘開一鏡。落絮飛花。肯向春風定。點破翠奩人未醒。餘寒猶倚芭蕉勁。○擬託行雲醫酒病。簾捲閑愁。空占紅香徑。青鳥呼君君莫聽。日邊幽夢從來正。見南溪書院志詞綜及補遺均未錄尤溪爲朱子降生所後人卽其地建祠宋理宗賜額南溪書院明宏治中邑令錢塘方溥復裒公遺文及士大夫記咏之有關於祠者爲書院志錄公答莊德燦書云禮記多諸儒雜說獨中庸出孔子家學大學一篇乃入道之門今大學中庸與論

語孟子爲四子書始自朱子章句其端實公啟之

明焦弱侯

茲

筆乘云烏衣園有宋張杜詞調寄柳梢青

云燕里花深。鷺汀雲淡。客夢江皋。日日言歸。淮山笑我。
塵鎖征袍。○幾回把酒憑高。闌干外。魂飛暮濤。只有南
園。一番風雨。過了櫻桃。又吳景伯登鳳凰臺沁園春云
再上高臺。訪謫仙兮。仙何所之。但石城西。踞潮平白鷺。
浮圖南峙。雲淡烏衣。鳳鳥不來。長安何處。惟有碧梧三
數枝。興亡事。對江山休說。誰是誰非。○庭花飄盡胭脂。
算結綺繁華。能幾時。問何人重向。新亭揮淚。何人更到。
別墅圍棋。笑拍闌干。功名未了。甯肯綠蓑尋釣磯。深深

飲任玉山頽倒。明月扶歸。詞綜及補遺亦未錄。

金元人詞詞綜及補遺亦有未采。如趙元行香子。云山擁垣牆。水滿溪塘。幾人家。籬落斜陽。又還夏也。一霎人忙。正稻分畦。蠶卸簇。麥登場。○老子徜徉。閒日偏長。鬢蓬鬆。只管尋涼。綠陰何處。旋旋移牀。有道邊槐。門外柳。舍南桑。蔡珪江城子。云鵲聲迎客。到庭除。問誰歟。故人車千里歸來。塵色滿襟裾。珍重主人留客意。奴白飯。馬青芻。○東城入眼杏千株。雪糝糊。俯平湖。與子花間。隨分倒金壺。歸報東垣詩社友。曾念我。醉狂無。貫雲石題明月樓水龍吟。云晚來北海風沉。滿樓明月留人住。橘

花香外。玉笙初響。修眉如妒。十二闌干。等閑隔斷人間。
風露。望畫檐蟾影。紫芝塵暖。時喚起。登臨趣。○回首西
山南浦。問雲物。爲誰掀舞。關河如此。不須騎鶴。儘堪來
去。月落潮平。小衾夢轉。已非吾土。且從容對酒。龍香灑
繭。寫平山賦。袁士元陳架閣家盆藕復花金縷。曲云月
影黃昏度。粉牆陰。盆池漾綠。藕花初吐。悄似飛來雙屬
玉。風動翩翩素羽。漫引得。人人爭覩。拍手闌干驚欲起。
悵無端。並立長凝伫。思往事。意容與。○當年妙選登蓮
署。正花開。邀朋醉賞。尙留佳句。藏白收香。今六載。還我
風流儉府。最好是。冰姿齊楚。一點炎塵曾不染。縱盤根。

錯節仍如許。花爲我笑無語。僧月華望江南云江南柳。
嫩綠未成陰。攀折尙憐枝葉小。黃鸝飛上恐難禁。留取
待春深。元字宜之金末鞏西簿珪字正甫松年子元大
定中濰州刺史詞卽附見松年蕭閒公集雲石字酸齋
官翰林侍讀學士士元字彥章至正中官國史院檢閱
官月華明州僧

男承祐校字

聽秋聲館詞話卷八

無錫丁紹儀杏舫

宋閨媛詞散見記聞襍錄中者詞綜亦多未錄如蜀人
王通判女瑩卿一翦梅云荳蔻梢頭春意闌風滿前山
雨滿前山杜鵑啼血五更殘花不禁寒人不禁寒○離
合悲歡事幾般離有悲歡合有悲歡別時容易見時難
怕唱陽關莫唱陽關金淑柔寶祐中題臨川驛壁浪淘
沙云雨溜和風鈴滴滴丁丁做成一枕別離情可似當
年陶學士孤負郵亭○過雁帶邊聲音信無憑花鬢偷
數卜歸程料得到家秋正好菊滿寒城曹希蘊燈花西

江月云零落非關春雨。吹噓何假東風。紗窗一點自然紅。費盡工夫怎種。○有豔難尋膩粉。無香不惹遊蜂。更闌人靜畫樓中。相伴繡幃春夢。建安王雲軒妻孫氏謝池春云銷減芳容。端的爲郎煩惱。鬢慵梳。宮妝草草。別離情緒。待歸來都告。怕傷郎。又還休道。○名韁利鎖。幾阻舊時歡笑。更那堪。鱗鴻信杳。蟾枝高折。願從今須早。莫孤負。鳳幃人老。諸葛章妻蟾英寄外花心動云忽覩菱花。這一成減卻。風流顏色。鄰姬戲問。愧我爲羞。無語低頭寥寂。紛紛珠淚和粉滴。襟袖舊痕乾。還溼。但感起愁懷離恨。堆堆積積。○杜宇催春聲急。正花柳煙籠蝶

難尋覓。紫燕喃喃。黃鳥翩翩。對景脂消香浥。篆煙將盡。

愁未休。怎得御溝玻璃碧。教紅葉往來傳箇消息。

此詞平仄

句讀不同詞律失載又一體

宣和間女子鷓鴣天云月滿蓬壺燦爛

燈與郎攜手至端門。貪看鶴陣笙歌舉。不覺鴛鴦失卻

群。○天漸曉。感皇恩。傳宣賜酒飲杯巡。歸家恐被翁姑

責。竊取金杯作照憑。王嬌娘滿庭芳云簾影搖花。簾紋

浮水。綠陰亭院清幽。夜長人靜。贏得許多愁。空憶當時

月色。小窗外。情話綢繆。臨風淚。拋成暮雨。猶向楚山頭。

○殷勤紅一葉。傳來密意。佳好新求。奈百端間阻。恩愛

休休。應是紅顏命薄。難消受。俊雅風流。須相念。玉簫舊

約。莫忘杜家秋。王通判妾飛紅留春令云。花低鶯踏紅
英亂。春愁重。頓成慵嬾。楊花夢斷。楚雲平。空惹起情無
限。○傷心漸覺成牽絆。奈愁緒。寸心難綰。深誠無計寄
天涯。幾欲問梁間燕。鄭雲娘西江月云。一片冰輪皎潔。
十分桂魄婆娑。不容相近。是如何。莫是姮娥妒我。○雖
則清光可愛。奈緣好事多磨。仗誰傳語。片雲呵。遮取雲
時。則箇賈雲華踏莎行云。隨水落花。流弦飛箭。今生無
處能相見。長江縱使向西流。也應不盡千年怨。○盟誓
無憑。情緣有限。願魂化作銜泥燕。一年一度一歸來。孤
雌獨入郎庭院。蘇小娘飛龍宴云。炎炎暑氣時。流光閃

爍。開。扇。深。院。水。閣。涼。亭。半。開。簾。幙。遙。看。灼。灼。榴。花。吐。豔。
細。雨。灑。小。荷。香。淺。樹。陰。竹。裏。清。涼。瀟。瀟。灑。灑。枕。簟。搖。紈。扇。○
堪。歎。浮。世。忙。如。箭。對。良。辰。歡。樂。莫。辭。頻。勸。遇。酒。逢。歌。恣。
情。遂。意。迷。戀。須。信。人。生。聚。散。奈。區。區。利。牽。名。絆。少。年。未。
倦。良。天。皓。月。金。尊。滿。此調詞御失收潘。法。成。妻。陳。妙。常。酬。張。于。
湖。太。平。時。云。清。淨。堂。前。不。捲。簾。景。翛。然。閒。花。野。草。漫。連。
天。莫。相。牽。○。獨。坐。洞。房。誰。是。伴。一。鑪。煙。閑。來。窗。下。理。琴。
絃。小。神。仙。吳。氏。女。答。鄭。禧。木。蘭。花。慢。云。看。紅。箋。寫。恨。人。
醉。倚。夕。陽。樓。悵。故。里。梅。花。纔。傳。春。信。又。付。東。流。此。生。料。
應。緣。淺。綺。窗。前。雨。怨。更。雲。愁。樓。外。杏。枝。綻。也。珠。簾。嬾。上。

銀鈎。○絲蘿喬樹欲依投。此景兩悠悠。恐鶯老花殘。翠
消紅減。孤負春游。蜂媒間人情思。總無言。只是斂眉頭。
夢斷東風路遠。柔情猶爲遲留。婺州劉鼎臣妻手製彩
花贈鼎臣就試行都并賦鷓鴣天云金屋無人夜翦綰。
寶釵翻過齒痕輕。臨歧執手殷勤贈。襯與蕭郎兩鬢青。
○聽囑付。好看承。千金不抵一時情。明年宴罷瓊林晚。
酒面微紅相映明。又有臨江仙云記得高堂同飲散。一
杯湯罷分攜。絳紗籠影簇行旗。更殘銀漏急。天淡玉繩
低。○只恐曲終人不見。歌聲且爲遲遲。如今車馬各東
西。畫堂攜手處。疑夢又疑非。趙秋官妻題岐陽郵亭武

陵春云人道有情應有夢。無夢豈無情。夜夜思量直到
明。有夢怎教成。○昨夜偶然來夢裏。鄰笛又還驚。笛韻
淒淒不忍聽。總是斷腸聲。珍娘浣溪紗云。溪霧溪煙溪
景新。溶溶春水淨無塵。碧琉璃底浸春雲。○風颺游絲
垂蝶翅。雨飄飛絮溼鶯脣。桃花片片送殘春。成都妓趙
才卿卽席送別燕歸梁云。細柳營中有亞夫。華宴簇名
姝。雅歌長許佐投壺。無一日不歡娛。○漢王拓境思名
將。捧飛詔欲登途。從前密約盡成虛。空贏得淚如珠。朱
秋娘鷓鴣天云。梅妒疎香雪妒輕。遠山長共畫眉青。尊
前無復歌金縷。夢覺惟餘月半明。○魚與雁。兩浮沉。淺

顰低笑總關心。相思恰似江南柳。一夜東風。一夜深。苦

薩蠻云。溼雲不渡溪橋冷。嫩寒初透。東風影。橋下水聲

長。一枝和雪香。○人憐花似舊。花比人應瘦。莫凭小闌

干。夜深花正寒。此詞一作朱淑真作杭妓樂宛答施酒監卜算子

云。相思似海深。舊事如天遠。淚滴千萬萬。行使我愁

腸斷。○要見見無由。見了終難換。若是前生未有緣。重

結來生願。平江妓送太守金縷曲云。春色元無主。荷東

君。著意看承。等閒分付。多少無情風與浪。那更蝶欺蜂

妒。算燕雀。眼前無數。縱使簾櫳能愛護。到而今。已是成

遲暮。○看看到得難言處。怕仙槎。輕轉

旌旗易歌襦袴。月滿西樓絃索靜。雲蔽崑城閨府。便恁
地。一帆輕舉。獨倚闌干愁拍碎。慘玉容。淚眼如紅雨。去
與住。兩難訴。張世英妻蕭淑蘭菩薩蠻云。有情潮落西
陵浦。無情人向西陵去。去也不教知。怕人留戀伊。○憶
了千千萬。恨了千千萬。畢竟憶時多。恨時無奈何。各詞
雖不若詞綜所選純粹。且多出自稗說。未足盡信。然補
遺一集。每因詞存人。胡竟遺之。爲錄於此。

吳興章居安梅礪詩話云。近歲丁丑。有過軍挾一婦。經
從長興。題一詞云。我生不辰。逢此百罹。况乎亂離。痛惡
因緣。到不夫不主。被擒捉去。爲妾爲妻。父母翁姑。弟兄

姊妹流落未知東與西。心中事。把家書寫下。分付伊誰。
○越人北向燕支。回首望。雁峰天一涯。奈翠鬟雲軟。笠
敲怎戴。柳腰春細。馬迅難騎。缺月疎桐。淡煙衰草。對此
如何不淚垂。君知否。我生於何處。死亦魂歸。調寄沁園
春後書雁峰劉氏題詞綜及補遺諒因語意粗淺未錄
居安仕履無所見其話中言與鄱陽趙嘉賓同年進士
又言丙子歲司糾三衢是其人曾仕南宋乃朱氏詞綜
列之元季殆未細考或未見前書耳

宋時詞學盛行然夫婦均有詞傳僅曾布方喬陸游易
祓戴復古五家方戴易姓氏且無考戴陸更係怨耦易

妻詞亦甚怨抑。惟子宣與魏夫人克稱良匹。他如趙明誠妻李易安。盛以詞名。而明誠詞無傳。趙德麟詞甚工。其妻王夫人祇傳白藕作花風。已秋不堪殘。醉更回頭。晚雲帶雨歸飛急。去作西窗一夜愁。一詩而已。琴鳴瑟應。天固若是靳惜耶。喬樂至人大觀間。秀才妻紫竹失其姓。生查子云。思郎無見期。獨坐離情慘。閉戶約花開。花落輕風颭。○生怕是黃昏。庭竹和煙黯。斂翠恨無涯。强把蘭釭點。又寄喬踏莎行後闕云。花月移陰。簾香失裊。望郎不到。心如擣。避人回倚小屏山。斷魂還向牆陰繞。喬贈紫竹生查子云。晨鶯不住啼。故喚愁人起。無力

曉妝慵。閑弄荷錢水。○欲呼女伴來。鬪草花陰裏。嬌極不成狂。更向屏山倚。放翁妻唐氏。不得於姑。遂至解禱。未幾愁怨死。齊東野語錄其別後答寄釵頭鳳云。世情薄。人情惡。雨送黃昏花易落。曉風乾。淚痕殘。欲箋心事。獨倚斜闌。難難難。○人成各。今非昨。病魂常似秋千索。角聲寒。夜闌珊。怕人尋問。掩淚妝歡。瞞瞞瞞。此調平韻詞律失收被字彥祥。長沙人。嘉泰間進士。有山齋集。初任前廊久不歸。妻寄以一翦梅云。染淚修書寄玉郎。貪卻前廊。忘却回廊。功名成就。不還鄉。石做心腸。鐵做心腸。○紅日三竿未理妝。虛度韶光。瘦損容光。相思何日得成雙。羞

對鴛鴦。懶繡鴛鴦。復古字式之天台人有石屏詞。贅江
右某氏年餘。方言已娶。須歸省氏。知被紿。賦詞以贈云。
惜多才。憐薄命。無計可留汝。揉碎花箋。忍寫斷腸句。道
旁楊柳依依。千絲萬縷。抵不得。一分愁緒。○指月盟言。
不是夢中語。後回君若重來。不相忘處。把杯酒。澆奴墳
土。後人取詞中第二語名以憐薄命。細繹句調。乃祝英
臺近。脫去換頭三句耳。詞綜僅選魏夫人詞。諸女作均
未錄。補遺亦遺之。至元時趙文敏管夫人明時楊升庵
黃夫人林子羽張紅橋葉仲韶沈宛君沈君庸張倩倩
閨房酬唱。世豔稱之。此外亦不多觀我。

朝自李梅公侍郎朱遠山夫人後指不勝屈矣

元時閨秀寥寥詞綜祇采管道昇與妓女劉燕哥陳鳳
儀三詞然如留青日札所載至正間永嘉尉真州崔英
妻王氏中途被盜遁跡尼庵見英所繪芙蓉題臨江仙
於上云少日風流張做筆寫生不數黃荃芙蓉畫出最
鮮妍豈知嬌豔色翻抱死生冤○粉繪淒涼餘幻質只
今流落誰憐素屏寂寞伴枯禪今生緣已斷願結再生
緣後得夫婦復合又詞苑叢談載嘉興趙某妻羅愛愛
送夫北行齊天樂云恩情忍把功名誤離筵又歌金縷
白髮慈親紅顏幼婦君去有誰爲主華年幾許况悶悶

愁愁風風雨雨。鳳折鸞分。未知何日更相聚。○蒙君再
三分付。向高堂奉侍。敢說辛苦。官誥蟠花。官袍製錦。待
要封妻拜母。君宜聽取。怕落日西山。易生愁阻。早促歸
程。綵衣相對舞。並錄其凌虛閣絕句云。曲曲關干正正
屏。六銖衣薄嬾來憑。夜深風露涼如許。疑在瑤臺第一
層。趙行後旋。值張士誠之亂。被掠不辱。以羅巾自縊。死
是二女。一則潔身自保。一則抗節捐生。詞與人均足干
古。亟宜補錄。以闡幽光。

青浦王蘭泉司寇就竹垞太史所選明詞。益以平生所
輯成明詞綜十二卷。中如梁寅張肯乃故元遺老而列

入明初陸冰修周青士諸君康熙中尙在身歷

本朝已三數十年而列之明末似有未協遺珠亦復不
少以余所見太平陶安字主敬洪武中官參知政事夜
宿省中懷賀久孚金縷曲云庭樹秋聲冷夜迢迢漏傳
銀箭月明華省最惜稽山無賀老短燭照人清影依稀
夢續還驚醒風透圍屏青瑣薄且披衣立傍梧桐井兵
衛肅畫廊靜○江湖聚散如萍梗笑談間雲霄躡足一
鞭馳騁萬壑水晶天不夜人在玉眞仙境說近日四郊
無警兵後遺黎歸故里漸桑麻綠映鵝湖嶺須共賞好
風景汴人周恭贈妓劉盼春長相思云阻佳期盼佳期

欲寄鸞牋雁影稀。新詞和淚題。○怕分離。又分離。無限
相思訴與誰。此情風月知。福清林鴻字子羽。永樂間官
員外郎。摸魚兒云。記虹橋。少年遊冶。無限雨情雲緒。金
鞍幾度歸來晚。香壓笑迎朱戶。腸斷處。是半醉微醒。燈
暗宵深語。閑愁幾許。恰一似吳蠶。繭纏絲裏。撩亂萬千
縷。○別離易。澹月亂鴉啼曙。淚痕紅袖沾污。深懷遙想
何年了。空寄錦囊佳句。春欲去。恨不把長繩。繫日留春
住。相思最苦。縱說不銷魂。衷腸鐵石。涕泗也如雨。長洲
俞琬綸字君宜。萬曆中知縣。妝鏡桂枝香云。水晶簾底。
且倩代郎看。墮雲慵理。贈別躊躇。怎忍輕輕分碎。玉容

相映驚憔悴。受多磨。與君無異。廣寒三五。嫦娥愁向。幾
回凝睇。○晴空裏。丹青點綴。似箇中。別有洞天深祕。背
地低徊。形影都無憑倚。憐君轉爲分明累。貯盡了。漢宮
人淚。曉妝纔罷。瞥然收卻。遠山橫翠。宜興儲懋。端戲策
毛穎爲學士。效稼軒體。沁園春云。咨汝毛錐。譽擅中書。
胡思乞骸。念望崇靈兔。南山感月。名高繡虎。北海驚雷。
久效馳驅。積成勞悴。疇昔鋒鏦。逐漸摧嘉。乃績。俾守中
山郡。其往欽哉。○吾將以禮爲媒。更別選循良穎也才。
令蜀江裁楮。先生靜待。淇園截竹。君子蒙災。合就管城。
移封卽墨。錫汝龍賓水一杯。兼策汝。試端明學士。速駕

前來。嘉興顧士林字文叔南鄉子云風雨滿汀洲。極目
帆檣帶急流。酒與詩懷無冷暖。休休。一任涼颼發素秋。
○何事縐眉頭。且讀離騷賦遠遊。逆數歸期歸未得。悠
悠。千頃煙波一葉舟。松江朱灝字宗遠清平樂云虹收
雨霽。鸛負斜陽逝。襍樹攢林紛若薺。蜂蝶同徵花稅。○
柴門過盡歸樵。溪聲半入詩瓢。淡靄空描戲墨。狂禽能
發新謠。嘉興李福謙字子虛中秋百字令云空庭秋晚。
趁花陰把盞。臨風獨適。醉眼昏沉潦倒甚。今夕又逢佳
夕。桂子飄香。銀河斂影。秋意平分。凄涼往事。不堪回
首重憶。○堪笑蒼狗白衣。人間幻境。轉盼成陳跡。記得

去年今夜語。都在心頭歷歷。壯志空存。此身依舊。漂泊
江南客。明朝酒醒。又添一段於邑。褚附鳳字。梧岡秋懷。
南鄉子云。忽地秋催。又見黃花滿徑開。箕踞科頭無箇
事。三杯。林下清風信快哉。○何必徘徊。收拾天涯宦跡。
回。藝圃自存經濟意。歸來。重把門前五柳栽。仁和沈宗
堦字以冲。崇正間官行人江行有感。訴衷情近云。露濃
霞淡。說是嚴冬尙早。迷離一望丹楓。無復青青芳草。伴
我秋容寂寂。野服疎疎。漫道風光好。○孤帆悄。回首鳳
城春老。人生如寄。怎得常年少。金尊倒。劍光鏘澀。雄心
蕩落。望中殘照。時被浮雲繞。沈宗堦字旨庵。浪淘沙云。

倦繡到如今。睡思沉沉。推琴罷阮怯繁音。香夢不知何處去。簾月偏深。○待把墜歡尋。夜夜孤衾。瑤階清影倍傷心。憶著喃喃私語際。月也難禁。吳江沈士銳字聲令醉花陰云。老盡芙蓉霜葉吼。頓覺秋容瘦。曳杖試行吟。竹裏青筇。高倚疎疎柳。○遠眺停雲懷故友。淚落杯中酒。慘慘復悽悽。風雨三更。誰念人倜傥。沈家恆字漢儀賀友新婚蝶戀花云。莫道好春無處討。嶺上瓊花。開向金閨早。酒醒香濃天未曉。一九璧月窺窗悄。○初整晨妝眉樣巧。笑問檀奴。秀色餐多少。更喜今年春色好。階前漸綠宜男草。常熟張琨雙雙燕云。披蓬探隱。到青草

溪頭碧陰山曲。竹韻松姿爭媚。吟眸詩腹是處翠峰成
簇。更秋雨新涼如沐。深林宛轉鳴禽幽澗琤琮漱玉。○
孤獨。簡編娛目。有綴珮芳蘭。供餐茂菊。藤牀閒憩。夢入
華胥仙國。又早月明簾軸。恰一枕清酣睡足。小小花童
低報。瓦鼎烹茶剛熟。李鄂摘紅英。云潮頭白。峰頭碧。落
梅香暗漁翁笠。西風透。東風驟。待得晴明。鶯花時候。○
鶯聲澀。花枝寂。春來已蠟看山展。山如舊。春如繡。層樓
望處。蒼寒紅瘦。梁雲構踏莎行云。煙鎖朱樓。霜鋪白屋。
牆邊透出東籬菊。荷池尙見瀉殘紅。芳郊猶喜堆餘綠。
○天外鴻孤。燈前影獨。月明常把金錢卜。蛩吟錯認報。

佳音芙蓉笑倚屏山曲。却四可題武夷太虛巖。蝶戀花
云古壑流連尋趣步。漸瀝泉飛。寒石留雲護。數折曲房
羅翠霧。幽懷可是人能悟。○風月江山懸客慕。爲惜芳
年聊取柔情付。自昔金蘭多陌路。而今管鮑休相誤。詞
均不甚出色亦尙不俗

明建文帝出亡一事竹垞諸公力辨其無而致憾永樂
者每津津述之並爲詩詞以實其事堅瓠集言建文首
至吳江宿史仲彬家題詩清遠軒云玉蟾飛入水晶宮
萬頃琉璃破曉風詩就雲歸不知處斷山零落有無中
後三至其地又題滿江紅云三過吳江又添得一亭清

絕剛占斷水光多處巧依林樾漠漠雲煙春晝雨寥寥
天地秋宵月更冰壺玉鑑暑宜風寒宜雪○臞庵右山
微缺垂虹左波橫截正三高堂畔舊規今別何但漁翁
垂釣好漫將柳子新吟揭信登臨佳興屬彭宣能揮發
余謂老還大內死葬西山之說斷不足信若致身從亡
等錄與堅瓠所載詩詞咸具不忍死其君之心疑以存
疑可耳

前明董文敏其昌黃忠端道周才華學業炳耀千秋閒
亦涉筆爲詞忠端吳江舟中讀雪堂新詩寄錢爾斐滿
江紅云大研停書誰似爾玄徽高寄把銀河曳練寶幢

惠火擊官司古家

蘭花未免去取失當昔余隨侍漳州聞忠端祖塋被人
侵佔一夕大雷電逮曉墓之前後左右石上苔紋盡成
黃界二字劖之不滅忠孝英靈所感如此浣雲師與鍾
仲山觀察均賦詩記其事惜均未錄

吾邑詞家本朝始盛宋元時僅尤文簡

表

倪高士

璚

餘

無可考李忠定

綱

則係自閩遷居本非邑人王氏明詞

綜祇收秦瀚先如夢令一詞然亦有未錄者如王學士
憶秦娥云愁如縷誰家落日敲秋杵敲秋杵淡煙衰柳
故人何處○別來每恨關山阻征鴻影落芙蓉渚芙蓉
渚短篷孤棹幾聲疎雨黃太僕南鄉子云清世愧無能

竊得微階正不勝。天地包容投遠塞。相應。投杼慈親本
愛曾。○靜坐讀伽楞。百念幾同二月冰。朔漠荒寒雖特
甚。休憎古訓從來只自懲。學士名善字耐軒。洪武中舉
明經。以薦擢侍讀學士。太僕名正色字斗南。嘉靖中官
御史。論駙馬崔元中官鮑忠貪黷。反爲所誣。戍遼東。三
十年始召還。官至太僕寺卿。太僕詞雖平淺。然風節凜
然。語無怨懟。似當在以人存詞之列。至明詞綜誤以鉛
山人費元祿爲錫山。並誤以山陰徐渭爲江陰。均刊時
訛錯。未曾校正。又長洲王璉字汝器。洪武中官主事。有
題黃子久溪山雨意圖菩薩蠻詞。詞綜誤爲吳興人趙

文敏堦字國器錄入元詞補人之列不知文敏堦名國器而字德璉僅傳踏莎行數闕

馬晉字孟昭明初吳縣人滿庭芳云雪漬疎髯霜侵衰鬢去年猶勝今年一回老矣堪歎又堪憐思昔青春美景除非是月下花前誰知道金章紫綬多少事憂煎○侵晨騎馬出風剛暴橫雨又淒然想山翁野叟正爾高眠更有紅塵赤日也不到松下林邊如何好吳淞江上閑了釣魚船詞見仁和郎仁寶七修類稿雖不警策亦不劣明詞綜遺之視所采王文恪鑒阮郎歸吳文端宗達滿庭芳似過之無不及也

上海包長明中翰

爾庚

詩文峻潔詞不多見僅傳秋日

旅感蘇武慢云玉鱸分紅金橙剖綠漸報江南秋老正
嗟搖落况復清砧空外又聞頻搥佩劍磨殘睡壺擊碎
耗卻壯心多少悵年來病翻離襪遜他飛鳥○念從古
賦擅淩雲筆能搖岳一例天涯潦倒質衣酒肆貧粟監
河不及侏儒長飽潘鬢將彫沈腰增瘦留得一囊立草
牘寒燈如豆蛩吟四壁伴人幽悄中翰少孤貧力學嘗
與同社友飲妓家雖衣冠了鳥而長身玉立有琬娘者
心異焉一夕方夜讀聞剝啄聲啟戶則一婢捧琬至驚
問之云從姊妹家來琬見四壁蕭條一燈熒熒然殘編

羅列嘆曰貧至此何能讀遂去及明地上遺金釧一中
銜珍珠知琬所遺趨還之則言昨未遺物固與不納自
是恆遣婢來輒有所贈中翰不忍卻而終以爲恥遂遊
山左爲人權記室歲餘忽有故人自江南來訪裙屐鮮
華翩翩美少年也旣見不相識強邀至寓掩扉脫履笑
曰別來無恙耶諦視乃琬娘大驚琬曰此來特從君許
我則生不許則死中翰沉吟久之曰然則何以爲家琬
曰是不難出資賃屋相與俱居主人聞其異戲贈以詩
云玉因待價猶名琬食豈無魚卻姓包中翰旋登崇禎
十年進士任京秩遂與琬娘諧伉儷盟白首焉玩詞意

當是未遇時作又南海陳喬生

子升

爲文忠

子壯

弟永

歷時以諸生授兵科給事中著有中洲草堂詩附詞二
十餘闕江南好云炎夏過夜坐迴淒清千个竹風搖草
閣一規桂魄浸桃笙多少玉關情南柯子云羽曲清三
疊鷗絃碎六么綠珠絳樹總魂銷何必鳳凰臺上憶吹
簫○鬢影騰蟬翼釵光顫翠翹歌殘眉語暗相撩莫負
可憐人度可憐宵二公詞明詞綜亦未錄

仁和沈宣字明德明諸生嘗賦除夕元旦二詞調寄蝶
戀花一云鑼鼓兒童聲聒耳傍早關門掛起新簾子爆
仗滿街驚耗鬼松柴燒在烏盆裏○寫就神茶並鬱壘

細馬送神多著同興紙。分歲酒闌扶醉起。闔門一夜齊
歡喜。一云接得竈神天未曉。爆仗聲喧催要開門早。新
畫鍾馗先掛了。大紅春帖銷金好。○蒼术堆鑪香氣繞。
黃紙神牌上寫天尊號。燒過紙灰都不掃。日斜人醉和
衣倒。民風俗尙描寫如繪明詞綜未收想因詞俚故然
不妨存之藉見當時民俗如同興紙畫鍾馗正可作掌
故用鬱壘壘字應讀如律乃入聲與裏起同叶誤

聽秋聲館詞話卷九

無錫丁紹儀杏船

甯波袁陶軒明經手輯四明近體樂府所采明人詞多
王氏詞綜所未錄鄞縣則永樂中舉人湖廣巡撫黃潤
玉字孟清次虞邵庵韻別友風入松云先生和氣似春
醪一見盍朋簪太平無訟霜臺靜榕陰裏時與聯驂瓜
代早裝行李蘭熏重整朝衫○雨餘山色淨於藍秋燕
更喃喃淒涼風月陽關道和離思摹入詩緘一曲驪歌
人去月明千里閩南成化中舉人政和知縣洪貫字稼
軒賀江陰王尹築城禦寇滿江紅云海宇清甯甚驀地

飛傳羽檄回首處。荏苒嘯聚烽煙南北。百雉先幾雄版
築。一方從此安磐石。渺長江天塹繞城流。誰之力。○守
則固。疆圻畫戰必勝車徒飭。看狐巢鼠穴掃無遺跡。日
月未容塵霧翳。東南用壯河山色。信王公設險在承平。
千秋績。封贈侍郎楊範字九疇。鷓鴣天云東海東頭看
月升。秋風一葉井梧零。閑雲飛盡天如洗。今夜星河分
外明。○舒倦體。坐殘更。微聞促織砌間鳴。蕭蕭涼氣侵
人骨。爲愛吟詩睡未成。成化中進士工部侍郎李堂字
時升題美人畫軸。漢宮春云月減梅妝。又春深燕雛雙
飛。簾幙驚啼夢醒。懶動秋千綵索。危樓欲上。奈腰圍瘦

來非昨。凝伫久。廣寒宮殿。微聞數聲瑤鶴。○伊人慣尋
歡樂。正驕馳玉勒。笑拏珠箔。誰憐眉翠。遠岫遙岑。映著
蒼苔綠潤。雨初晴。閑階步卻添新恨。蹊成桃李。斂黛對
人依約。宏治中進士貴州左布政使李麟字心齋登滕
王閣金縷曲云。風送章江渚。漫登臨東流一瞬。渺然終
古。物換星移。凡幾度。漠漠愁雲欲雨。聽款乃。漁舟南浦。
芳草王孫何處也。只西山。簾捲還如故。思往事。遽如許。
○王郎作賦真翹楚。便掃空。豪華百輩。腐儒章句。看取
荒涼客。膝地疇昔曾酣歌舞。且采采蘋香。延伫世路驅
人。明日又愛今來。水閣清無暑。對斜照。澹忘侶。兵部尙

書張邦奇字常甫亦宏治中進士咏蓮水龍吟云芙蓉
開徧芳塘薰風倍覺湖天好愛花心性北窗簾滑起來
偏早王母瑤池麻姑瓊海更誰窈窕枉惹他遊女暗增
羞妒頻低首臨波照○一段氤氲芳氣盡闌前紫雲縈
抱忽思泰華峯頭玉井牽來寒峭欲去無因步虛聲裏
夢雲空繞看層霄鶴起淩風何日盡收煩惱天啓中進
士太僕寺少卿徐之垣字心葦江城子云梨花著雨晚
來晴月朧明淚縱橫繡閣香濃深鎖鳳簫聲未必人知
春意思還獨自繞花行○酒兵昨夜壓愁城笑狂生在
心驚澆盡胸中塊磊未曾平卻與評量珠玉價拚醉裏

錦囊傾中書陸質字青霞調笑令云竹塢竹塢坐蔭空
階無數有時弄影斜陽。个字淋漓短牆。牆短。牆短。分得
秋聲一半。崇正中進士魯王時大學士錢忠介肅樂字
希聲次王昭儀驛壁韻滿江紅云長信宮中。留不住。一
枝春色。何處覓風臺。月榭玉樓金闕。樹底鶯聲和夢斷。
簾前燕翹迎風側。恨紅酣綠醉也。年年。今偏歇。○紅蠟
燼。青蛾滅。隋堤柳。無人識。看胭脂淚落。玉壺凝血。青塚
不生邊地草。綠珠拚碎高樓月。願千秋。留取驛中詞。應
無缺。崇禎中舉人魯王時兵部侍郎張忠烈煌言字蒼
水中夜聞箏長相思云品瑤笙。按銀箏。換羽移宮無限

情秋天不肯明。○幾更更。幾星星。半是商聲與徵聲。羈
人和夢聽。又柳梢青。云錦樣江山。何人壞了。雨鎖煙環。
故苑鶯雛。舊家燕子。一例闌珊。○此身原付與。天頭休
更問。秦關漢關。白髮鏡中。青萍匣裏。和淚相看。魯王時
御史錢肅圖字退山。題聖月兄歸來圖。滿江紅。云斷水
殘雲。留不住。并州羈客。且收拾。新亭孤淚。江濱吟魄。下
榻漫淹徐孺子。歸來好賦陶彭澤。把柴門。遙向夕嵐開。
餐山色。○水繞屋。漁燈白。雲滿袖。詩筒碧。更鬪茶僧舍。
尋筍村北。半卷陰符。摩醉眼。一編心史。圖秋壁。有袁安
高卧在東鄰。堪投跡。魯王時。員外郎高宇泰字虞尊用。

陳同甫韻志感金縷曲云世事何堪說歎而今龍蛇浩
劫黏膠纏葛試問百年能有幾漸看滿頭堆雪早銷盡
衝冠舊髮撒手急歸茅屋底且商量好度閑風月吾與
也點之瑟○從茲顯晦行藏別問餘生山樵野牧尙堪
作合賣卜補鍋無不可賸有淩兢瘦骨望前路危岡高
絕一片雄心誰識取倩笛聲吹徹仙家鐵應不免石爲
裂李文纘字昭武亦魯王時員外郎和岳忠武韻滿江
紅云狩泣蒼麟歎盲左書傳未歇空痛絕王師帝佐忠
魂慘烈白草黃沙鳴塞雁青霜紫電看秦月望湖濱頓
首鬢封祠同仇切○國已破恥誰雪亂未已恨難滅幸

孫曾尙在蒸嘗無缺靈武旋頒哀痛詔。干將猶帶模糊
血。卷綸竿。閑釣小橋西。心依闕。諸生董劔鏑。字曉山過
金山寺。踏莎行云。一拳浮玉。中流砥柱。茫茫煙水迷雲
樹。年來兩過。未曾登。那知張祐題詩處。○南北橫分古
今幾度。拏舟三老。隨歌渡。歌聲幸莫感傷人。江流一任
人來去。遊擊董守正字澹子。紅梅如夢令云。春意濃如
醕。酒綴上玉顏。酡首曳杖。隔離看。半吐峭寒香。紐知否。
知否。卻似倚闌紅袖。金大鋪字碩人。訴衷情云。西窗枯
坐。夢難成。憔悴對孤檠。今夕不知何夕。枕上有秋聲。○
風淡淡。露盈盈。最無情。樓頭短笛。江上寒潮。花外殘更。

慈溪則永樂中正字顧慙字存誠南丹戍所西江月云
玉壘黃塵黯黯香閨清夢慙慙何時重結盡眉緣應比
秋山翠減○回首西風落日斷腸衰草寒煙塞鴻飛不
到南天消息都無半點宏治中舉人知濮州鄭滿字勉
齋送友致仕滿江紅云歸去來兮有幾箇生年滿百好
尋取陶家荒徑賀家故宅一抹斜陽鋪水靚千重晚岫
排雲碧料鄉園翠竹與黃花還如昔○心早歎爲形役
更暮景休虛擲看候門稚子歡歌笑拍榮辱祇今都不
管煙波且作逍遙客更到時戲綵舊庭前娛朝夕張鉞
字子威題趙仲穆越山圖百字令云浙江東岸是越王

勾踐舊時封國嘗膽臥薪成底事惟有荒臺凝碧萬壑
爭流千巖競秀宛宛無今昔兔葵燕麥中間多少遺跡
○遙想東晉風流蘭亭修禊空自留殘墨何用登臨傷
往事堪歎鬢鬚垂白且覓扁舟賀家湖上載酒尋春色
季真歸後四明還有狂客魯王時按察副使鄭溱字蘭
阜夏雨蝶戀花云過了黃梅寒尙重出水新荷不耐擎
珠弄幾許愁懷難遣送閉門回首都成夢○雨後還將
蓂薜種著破春衫暫把絺衣空一卷殘編何所用江干
多少風波湧張嘉易字石渠踏莎行云綠鎖朱闌紅翻
碧沙韶光驀地清明矣愁多好夢已難尋那堪又被鶯

呼起。○妝嬾臨鸞期。愆乘鯉。當年盟誓都虛耳。有情燕子解憐香。銜將落瓣。營新壘。馮愷章字竹相浪淘沙云。新月透窗紗。篆縷煙斜。誰家閑弄玉琵琶。卻向夜深人靜後。自剔燈花。○蕉鼓聽頻。搗驚噪。棲鴉孤衾寂寞。負年華。暗裏銷魂。緣底事。夢斷天涯。又鷓鴣天云。小閣沉沉閉麝煙。棟花風過畫簾前。弄晴弱柳垂金縷。貼水新荷撒翠錢。○閑伫久。只耽眠。愁懷嬾託十三絃。困人天氣無聊景。風送殘紅落枕邊。奉化則萬厯中進士順天府丞戴澳字有斐。山花子云。樓瞰寒塘古木橫。幽禽時對小窗鳴。柳外何人停短棹。理漁簪。○舊雨不來門晝

掩疎籬新翦竹枝平茶鼎白沙泉正熟聽松聲定海則
范兆芝字香谷向湖邊云芳草洲前波皺細縠冷浸賀
家遺宅一曲清流是狂奴曾乞任當年鼓震漁陽鈴霖
蜀道不改湖光澄碧水底眠來緬高風未息○我亦生
平雅抱煙霞癖又千條柳線漾三分春色鴨綠粼粼更
新添幾尺蕩蘭橈欲與浮鷗敵恰船似天上坐來將汰
擊渺渺予懷喜青山猶昔尙有萬歷間尙書薛文介三
省詠歸來詞腔係自度語亦欠雅不錄

明女士詞亦有遺珠如長洲孟澄女淑卿減字木蘭花
云月明如畫料峭黃花寒越瘦小立闌干滿砌花陰翠

袖單。○當年劉阮重訪天台人已遠。怪道而今眼底心
頭。臘月明宜興。陳契字无垢。滿庭芳云。湛碧池塘空青
庭院。清霜又已深秋。繞籬香韻黃菊伴人幽。怪是重陽
佳節。憑闌處。吹帽風稠。思前古。淵明此際。淡漠幾曾愁。
○江山無限感悲深。語咽志壯身柔。牘圖書經卷。夙業
堪修。憶昔雲鬢藕覆菱鏡裏。未展眉頭時。易暮數聲哀
雁。葉落滿沙洲。謝小眉清平樂云。良辰初到。春色隨時
開。妝點蛾眉。因甚早。人在咸陽古道。○當年泣別長亭
今朝嘶馬繫情。寂寞黃昏時候。瑣窗夜夜風生。徐若耶
妻王瓊奴滿庭芳云。綵鳳群分。文鴛侶散。紅雲路隔天

台舊時院落盡棟滿塵埃漫有玉京離燕東風裏似訴
悲哀主人去捲簾恩重空屋亦歸來○涇陽憔悴女不
逢柳毅書信難裁歎金釵脫股寶鏡離臺萬里遼陽郎
去知何日卻得重回丁香樹含花到死肯共野蒿開詞
苑外編言茗郎緣事成邊有吳指揮者欲納瓊奴以計
殺茗郎瓊奴賦詞自誓後鳴於御史其寃得白遂自殺
馬瓊瓊減字木蘭花云雪梅妒色雪把梅花相抑勒梅
性溫柔雪壓梅花怎起頭○芳心欲訴全仗東君來作
主寄語東君早與梅花作主人詞見稗說中惟詞苑叢
談言是朱延之妾馬瓊瓊作

陳耀文花草粹編所輯詞章與毛氏汲古閣所刊名詞
時有出入堪以互校惜余所見係不全鈔本其中亦多
脫誤如朱敦儒沙塞子云萬里飄零南越山引淚酒催
愁不見鳳樓龍闕又經秋○九日江亭閑望蠻樹遠瘴
煙浮腸斷紅蕉花晚水西流蠻樹下落遠字宋媛梁意娘茶瓶
兒云滿地落花鋪繡正麗色著人如酒曉鶯窗外啼楊
柳愁不奈兩眉頻皺○關山杳音信悄那堪是昔年時
候盟言多少知孤負對好景頓成消瘦麗色上落正字此詞杳悄二字
係篠有二韻借叶無名氏南歌子云夕露沾芳草斜陽對遠村
幾聲殘角起譙門撩亂棲鴉飛舞鬧黃昏○天共高城

遠香餘繡被溫。客程常是可銷魂。怎向心頭橫著箇人。
一人字 怎向。下多。晏殊玉樓人云去年尋處曾持酒。還是向

南枝見後。宜霜宜雪精神。沒些兒風味減舊。○先春似
與群芳鬪。度暗香不須頻嗅。有人笑折歸來玉纖長。儘

露衫袖。

還字上多又字須作待

程垓瑤階草云空山子規叫。月破

黃昏冷。簾幙風輕。綠暗紅又盡。自從別後。粉消香滅。一

春成病。那堪晝閑日永。○恨難整。起來無語。綠萍破處

池光淨。悶理殘妝。照花獨自憐瘦影。睡來又怕。飲來越

醒。醒來卻悶。看誰似我孤另。

簾幙上多又還二字減作膩醒作醉卻悶作越悶

數詞頗佳。且意娘與無名氏詞詞綜及補遺均未錄玉

樓人調詞律。失載沙塞子調。亦未列入。又一體爰錄如右。餘尙不勝僂舉。

三衢方千里。有和清真詞一卷。雖不能如驂之靳與陳。西麓頗堪並駕。一落索云。月影娟娟。明秀簾波吹皺。徘徊閑度。可憐宵漫。問道因誰瘦。○不見芳音長久。鱗鴻空有。渭城西去。恨依然尙。夢想青青柳。掃花游云野亭。話別恨。露草芊綿。曉風酸楚。怨絲恨縷。正楊花碎玉滿。城雪舞。耿耿無言。暗灑闌干淚雨。片帆去。縱百種避愁。愁早知處。○離思都幾許。但漸慣征塵。陡迷歸路。亂山似俎。更重江浪淼。易沉書素。目斷魂銷。自覺孤吟調苦。

小留伫。隔前村。數聲簫鼓。予尤愛其少年遊云。東風無力。颺晴絲。芳草弄餘姿。淺綠還池。輕黃歸柳。老去願春遲。○闌干憑暖慵回首。閑把小花枝。怯酒情懷。惱人天氣。清瘦有誰知。起二句卽寓君子道消。小人道長意。措語極婉。乃詞綜均未錄。所選四詞尙有錯脫如齊天樂後闕云。鱗鴻音信未覩。夢魂尋訪後。關山又隔無限。客館愁思。天涯倦跡。幾許良宵。輾轉情閑意遠。記密閣深閨。繡衾羅薦。睡起無人。料應眉黛斂。情閑倒作閑情第三句增四爲六。宋元人詞僅此一闕。塞垣春云。四遠天垂野。向晚景。雕鞍卸。吳藍滴草。塞綿藏柳。風物堪畫。對雨收霧。

霽初晴也。正陌上煙光灑。聽黃鸝啼紅樹。短長音調如
寫。○懷抱幾多愁。年時趁歡會。幽雅盡日足。相思奈春
晝難。夜念征塵堆滿襟袖。那堪更獨游花陰下。一別鬢
毛減。鏡中霜滿把。堆滿倒作滿堆音字下落調字按美成與夢熊西麓
詞前段末句均六字。惟楊澤民詞把心事都寫係五字。
然楊詞前有向晚把後有羅帕把。不應一詞中重用三
把字。恐原闕二字。後人就其語意誤以把字補之。

宋楊澤民有續和清真詞。後人合美成千里作爲三英
集。其詞遠不如方。無論乎周然。亦有數闕頗佳。如玉樓
春云。奇容壓盡群芳秀。枕臂濃香猶在袖。自從草草爲

傳杯但覺懨懨常病酒。○堤上路長官柳瘦。愁在月明
霜落後。須知斗帳夜寒多。早趁西風迴鷁首。望江南云
尋勝去。驅馬上南堤。信脚不知程遠近。醉眠猶勸玉東
西。歸路任衝泥。○春雨過。農事在瓜溪。野卉無名隨地
發。山禽著意傍人啼。難解是悲悽。一作鼓角
已悲悽大酺云漸

雨回春風清夏。垂柳涼生芳屋。餘花猶滿地。引蜂遊蝶
戲。慢飛輕觸。院宇深沈。簾櫳寂靜。蒼玉時敲疎竹。雕梁
新來燕。恣呢喃不住。似曾相熟。但雙去並來。漫縈幽恨。
枕單衾獨。○仙郎去又速。料今在何許。停車轂。任夢想
頻登臺榭。徧倚闌干。水雲千里空流目。縱遇雙魚客。難

盡寫別來心曲。媚容幸堪傾國。今日何事還又難分。麝
菽寸心天上可燭。停車轂一詞綜僅錄滿庭芳一詞乃

賦體耳

詹天游送童壘天兵後歸杭齊天樂云相逢喚醒京華
夢。吳塵暗斑吟髮。倚擔評花。認旗沽酒。歷歷行歌奇跡。
吹香弄碧。有坡柳風情。逋梅月色。畫鼓紅船。滿湖春水
斷橋客。○當時何限俊侶。甚花天月地。人被雲隔。卻載
蒼煙。更招白鷺。一醉修江又別。今回記得。再折柳穿魚
賞花催雪。如此湖山。忍教人更說。詞品譏其絕無黍離
之感。桑梓之悲。而止以游樂爲言。真是無目人語。篇中

第一句卽寓滄桑之慨前闕倚擔認旗吹香弄碧追喟
時事隱然言表後闕花天月地人被雲隔似指賈似道
一輩言至後結二語更明明點破矣昔蔡君笛椽與余
論南宋之亡謂不亡於強敵而亡於裒政於時公田會
子鹽酒酤權紛紛整飭爲富強計不知財聚於上民困
於下元氣已剝削殆盡有元乃得而乘之今論詹詞益
慨念當日朝臣漫不知省而一二見幾之士如蔣竹山
吳夢窗輩又復沉淪草澤無所於告遂一一寓之於詞
其杳渺恍惚處具有微意存焉

天游又有清平樂云醉紅宿翠髻鞦烏雲墜管是夜來

渾不睡那更今朝早起。○東風滿擲腰肢。階前小立多
時。卻恨一番新雨。想應溼透鞋兒。詞意始有所諷。乃樂
府紀聞謂見一妓訴狀立廳下。遂賦此詞。洵如所言。有
何意味。詩餘醉則註爲童孌。天作諒係流傳之訛。均未
足信。宋以後說部書往往將傳聞異詞敘爲實事。余友
楊卧雲讀歐陽公歸田錄。司馬溫公紀聞所載寇萊公
曾子固事。力證其誤。二公尙爾。其他可知。

世人動以詞爲小道。且以情語豔語爲深戒。甚或以須
有關係之論。概及於詞。抑知夫子刪詩。以二南冠首。豈
無意哉。正惟家庭之內情。意真摯充類至盡。而後國治。

天下平況離騷之芳草美人卽國風之卷耳淑女古人
每借閨襜以寓諷刺詞之旨趣實本風騷情苟不深詔
必不豔惜後人不能解不知學耳就明而論詞學幾失
傳矣而穠詞麗製半出自忠烈偉人如趙忠毅

南星立

朝侃侃以忤魏忠賢削籍謫戍有楊花次章質夫韻水
龍吟云春來忒覺愁人亂紅已是翩翩墜楊花更慘連
空映日撩人情思飛過高城尋來小院從教門閉偶蘋
風乍定商量暫住低飛燕還扶起○何處疑花亂玉幾
曾堪髻簪衣綴蘭閨人倦多愁牽夢難成易碎小玉聲
暄晴天雪下香階無水憶遼西何處神魂蕩漾暗拋紅

淚范中丞

文光

巡撫川南殉明難有再贈梁姬浣溪紗

云夙世剛修半面緣西風吹上五湖船秋來瘦骨倍堪

憐○癡想只教魂孟浪閒情空對影留連相思同入藥

鑪煎又如陳忠裕

子龍

吳節愍

易

夏節愍

完淳

皆以明

亡殉難忠裕浣溪紗云半枕輕寒淚暗流愁時如夢夢

時愁角聲初到小紅樓○風動殘燈搖繡幕花籠微月

澹簾鉤廿年舊恨上心頭千秋歲云章臺西弄纖手曾

攜送花影下相珍重玉鞭紅錦袖寶馬青絲鞵人去後

簫聲永斷秦樓鳳○菡萏雙燈捧翡翠香雲擁金鏤枕

今誰共醉中過白日望裏悲青塚休恨也黃鶯啼破前

春夢吳節愍一翦梅云紅染青楓白露罪江上鴻樓城
上烏樓扁舟獨自倒金卮霜下花稀月下星稀○世事
紛紛總弈棋顰也西施笑也西施墜歡如夢更休提羨
煞鴟夷惱煞鴟夷夏節愍憶王孫云珠簾斜捲翠鬟垂
晚日重樓人未歸細按紅牙嬾畫眉影徘徊一種東風
幾樣吹卜算子云秋色到空閨夜掃梧桐葉誰料同心
結不成翻就相思結○十二玉闌干風颭燈明滅立盡
黃昏淚幾行一片鴉啼月之數公者皆勝朝有數人物
烏得以豔詞少之彼杜于皇沈天羽李笠湖輩街談里
語填塞滿紙乃自詡爲意新句奇是誠詞家之蠹其竊

名一時幸矣哉

建文中燕師起鐵尙書

鈗

力守濟南殉難最烈明詞綜

錄公浣溪紗云晚出閑亭看海棠風流學得內家妝小
釵橫戴一枝芳○削玉梳斜雲鬢膩鏤金衣透雪肌香
暗思何事立斜陽按是詞見花庵詞選爲五代時李珣
作或者公喜其詞曾手書之後人不知誤爲公作

文衡山待詔題宋高宗賜岳武穆手詔石刻滿江紅云
拂拭殘碑勅飛字依稀堪讀慨當初倚飛何重後來何
酷豈是功高身合死可憐事去言難贖最無端堪恨又
堪悲風波獄○豈不念疆圉感豈不念徽欽辱念徽欽

既返此身何屬。千載休談南渡錯。當時自怕中原復。笑
區區一檣亦何能。逢其欲。余嘗謂高宗非昏庸之主。武
穆又深荷眷顧。檣何人斯。敢於擅戮。高宗亦竟不問。與
待詔之意正同。至寓議論於協律中。尤覺激昂慷慨。讀
之色舞。古今詞話言待詔素性不喜聲妓。祝枝山唐子
畏邀登畫舫。預匿二姬出以侑觴。待詔憤欲投水。乃別
呼小艇送歸。此與吾鄉倪雲林高士傳有潔癖偶眷一
妓。慮其不潔。令之浴。浴至再三而天明矣。同一言過其
實。抑知二老風情。正是不薄雲林。江城子云。窗前翠影
溼芭蕉。雨瀟瀟。思無聊。夢入鄉園。山水碧迢迢。依舊當

年行樂地。香徑杳。綠苔饒。○沉香火底坐吹簫。憶妖嬈。
想風標。同步芙蓉花畔。赤闌橋。漁唱一聲驚夢斷。無處
覓。不堪招。待詔南鄉子。云雨過。綠陰稠。燕子還來認舊
遊。日暮重。重簾幕。閉悠悠。殘夢關心懶下樓。○芳草弄
春柔。欲下晴絲不自由。青粉牆西人獨自。休休。花自紛
飛水自流。此豈規行矩步人所能爲耶。

吳江葉仲韶水部

紹袁

國變後披緇行。遯傳有甲行日。

注內記乙酉九月初四日過石門。初五日至一華庵。初
十日獨步廡間。見殘帙中一小詞。回想太平時序兒女
柔情。不覺銷凝久之。詞云。韶光悄悄溶溶處。半是落花

與飛絮。人靜晝長。重門深閉。閑倚疏簾無語。○盡屏春
夢正來時。上苑東風又歸去。燕子泥香游絲日暖。一霎
薔薇紅雨。按調似夜行船。而前後段次句不作上三下
四句法。後段起句亦不押韻。不知誰人所作。明人於詞
調每每任意出入。姑錄之以俟世之審音者。